




## Hringbrautarverkefnið staða framkvæmda og fréttir af verkefninu

- **Heilbrigðisráðherra, Svandís Svavarsdóttir, tók fyrstu skóflustunguna að nýju rannsóknahúsi Landspítala við Hringbraut - stefnt að því að nýtt rannsóknahús verði tekið í notkun 2026.**
- **Mörg verkefni fram undan á þróunarsviði**
- **Styttist í vinnu við fyrstu loftaplötur við uppsteypu meðferðarkjarnans**

# Heilbrigðisráðherra, Svandís Svavarsdóttir, tök fyrstu skóflustunguna að nýju rannsóknahúsi Landspítala við Hringbraut



Nýtt rannsóknahús verður um 17.400 fermetrar að stærð

Heilbrigðisráðherra, Svandís Svavarsdóttir, tók 3. september fyrstu skóflustungu að nýju rannsóknahúsi ásamt Páli Matthíassyni forstjóra Landspítala, Unni Brá Konráðsdóttur, formanni stýrihóps Landspítala og Jóni Atla Benediktssyni rektor Háskóla Íslands. Viðstaddir voru einnig nokkrir fyrverandi heilbrigðisráðherrar sem komið hafa að undirbúningi Hringbrautarverkefnisins.

Nýtt rannsóknahús, sem mun rísa vestan Læknagarðs Hí, er ein af byggingum í heildaruppgörgingu Nýs Landspítala við Hringbraut og verður um 17.400 fermetrar að stærð.

**Svandís Svavarsdóttir heilbrigðisráðherra:** „Þetta eru stór tímamót og mikill áfangi að sjá draum okkar landsmanna um uppbyggingu Landspítala rætast. Framkvæmdir hér á svæðinu hafa gengið vel og færa okkur nær því markmiði að hér verði tekið í notkun nýtt þjóðarsjúkrahús árið 2026. Nýtt öflugt og tæknivætt rannsóknahús er mikilvægur þáttur í því að geta veitt skilvirka og margbrotna þjónustu fyrir landið allt í takt við nýjustu þekkingu í heilbrigðisví sindum til framtíðar“.

**Gunnar Svavarsson framkvæmdastjóri Nýs Landspítala:** „Jarðvinnan hér, sem Háfell ehf. mun sinna, mun kallast á við það stóra uppsteypuverk sem Eykt hf. vinnur að í Hringbrautarverkefninu vegna meðferðarkjarna, nýs þjóðarsjúkrahúss. Jarðvinnu rannsóknahússins mun ljúka í upphafi næsta árs og þá hefst fljóttlega uppsteypan. Stutt er einnig í að vinna við bílastæða- og tæknihúsið hefjist ásamt uppbyggingu bílakjallarans. Starfsmannafjöldinn hér á svæðinu nálgast 700 manns þegar mest verður, en auk þess er mikill fjöldi ráðgjafa og hönnuða á arkitekta- og verkfræðistofum starfandi við uppbyggingu á nýjum Landspítala“.

**Páll Matthíasson forstjóri Landspítala:** „Rannsóknahúsið og rannsóknastarfsemi Landspítala er og verður áfram ein af burðarásum í fjlþættri starfsemi okkar. Það er gríðarlega mikilvægt að þeir dreifðu og fjölmörgu stofur sem nú eru starfandi á nokkrum stöðum á höfuðborgasvæðinu fái sér einn nútíma samastað. Starfsemi hússins mun taka mið af því besta og margt sem við erum að kljást við í dag sem þjónustu við sjúklinga mun taka stórstígum framförum. Það er því gleðilefni að við séum komin jafn langt og raun ber vitni við uppbygginguna hér við Hringbraut“.

Rannsóknahúsið verður fjórar hæðir ásamt kjallara, tæknisvæði er á fimmstu hæð og hugmyndir eru einnig um möguleika á þyrlupalli. Í rannsóknahúsi sameinast öll rannsóknastarfsemi spítalans á einn stað. Hönnunarhópurinn Corpus eru aðalhönnuðir hússins að honum standa níu innlend og erlend hönnunarfyrirtæki. Aðaluppdrættir hússins liggja nú þegar fyrir og lok hönnunar er á næsta ári.



Fyrsta skóflustungan tekin, Unnur Brá Konráðsdóttir, formaður stýrihóps Landspítala, Páll Matthíasson, forstjóri Landspítala, Svandís Svavarsdóttir, heilbrigðisráðherra og Jón Atli Benediktsson, rektor Háskóla Íslands



Gunnar Svavarsson, framkvæmdastjóri NLSH,  
lék á als oddi við skóflustunguna



Frá undirritun samnings en Háfell ehf. er  
jarðvinnuverktaki verksins



Fjölmargir gestir voru viðstaddir skóflustunguna



Nýtt og glæsilegt rannsóknahús mun rísa vestan  
Læknagarðs

## Styttist í vinnu við fyrstu loftaplötur við uppsteypu meðferðarkjarnans



Tignarlegir byggingakranar á framkvæmdasvæðinu við nýjan meðferðarkjarna



Það eru mörg handtökin í uppsteypuverkefninu í grunni meðferðarkjarnans



Vinna við kjallaraveggi er í fullum gangi og styttist í vinnu við loftaplötur

Uppsteypuverkefnið á nýjum meðferðarkjarna miðar áfram en aðalverktaki uppsteypu verksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu undirstaðna og jarðskaut sem er vel á veg kominn. Vinna við fyllingar og lagnir í grunni er í fullum gangi sem og vinna við botnplötur. Vinna við kjallaraveggi er í fullum gangi og vinna við fyrstu súlur hófst í byrjun september. Í framhaldinu verður farið í fyrstu loftaplótur yfir kjallara og áætlað að sú vinna hefjist í byrjun október“, segir Eysteinn Einarsson staðarverkfræðingur hjá NLSH.

## Viðamikil verkefni á borði þróunarsviðs



Ingólfur Þórisson og Helgi Ingason á þróunarsviði

Helstu verkefni þróunarsviðs NLSH þessa daga eru á sviði heildarskipulags húsnæðis Landspítala, stoðbyggingar á Hringbrautarlóð, tæknikerfi bygginga á Hringbrautarlóð og lækninga- og rannsóknartæki ásamt uppýsingakerfum.

„bað eru mörg verkefni fram undan hjá þróunarsviðinu og má þar helst nefna heildarskipulag bygginga Landspítala. Við erum að kortleggja nýtingu húsnæðis spítalans og vinna að áætlunum um framtíðarnýtingu þess“, segir Ingólfur Þórisson sviðsstjóri þróunarsviðs.


Verið er að vinna að forathugun á nýtingu Vífilsstaða sem hjúkrunarheimilis og lýkur þeirri vinnu í þessum mánuði. Rýni á þyrlupalli Landspítala mun ljúka á næstu vikum.

Stoðbyggingar eins og vörumóttaka, flokkunarstöð og eldhús eru nú í forathugun.

Tæknikerfi eins og rörpóstur og sorp- og línflutningakerfi eru komin á hönnunarstig með framleiðendum. Samið hefur verið við Mannvit, Verkís og Lotu um hönnun miðlægra tæknikerfa sem verða staðsett í nýju bílastæða og tæknihúsi. Ráðgjafafyrirtæki er að rýna áætlanir um kaup lækningatækja og í haust mun hefjast vinna við undirbúning útboða og innkaupa á búnaði í nýbyggingarnar, segir Ingólfur.

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)